

**E DIFERENCIA FUNDAMENTAL DI
LIDERASGO AUTENTICO:
EVELYN A RECONOCE E ROL
DI EMAN, PERO MIKE NO A
RECONOCE ROL DI BETICO**



WWW.SOLODIPUEBLO.COM



SOLODIPUEBLO@GMAIL.COM

**E BERDAD A SALI NA CLA:
STAATSSECRETARIS A
CONFIRMA CU TA E ACTUAL
GOBIERNO A DUNA "LUS
BERDE" PA HOFA!**



Noticia di Corte

**MIENTRAS CU NO A
HAYA NINGUN PRUEBA**

**CASTIGO COMBINA EXIGI
PA HOMBER SOSPECHA DI
A HACI ACTONAN INMORAL
CU YIU MUHER DI SU
PAREHA**

**E BERDAD HISTORICO:
SIN STATUS
APARTE, E
"MOTOR" DI
HENNY EMAN
NO LO A START MES!**



**REY WILLEM
ALEXANDER
A PLANTA UN
PAL'I SIA CORA
NA HONOR DI
NATURALES Y
MEDIO AMBIENTE**





ABOGADO TA HAYA CU MESTER DECLARA SOSPECHOSO DI INMORALIDAD LIBER

ORANJESTAD – Awe mainta den Corte di Husticia, abogado mr. Mohamed a bisa Hues cu mester declara su cliente, e homber M., liber di e acusacion di a haci actonan immoral cu e dama hoben A.

SOLO DI PUEBLO por a compronde cu Fiscal a exigi 180 dia di prison, di cual 75 dia ta condicional cu un tempo di prueba 2 aña. Abogado mr. Mohamed a muestra cu Instituto Forence di Hulanda (NFI) no a haya ningun prueba y mester declara M. liber.

NO POR CONFIA E VICTIMA

Mr. Mohamed a bisa Hues cu den e caso aki tin solamente declaracion di e dama hoben A. compara cu e declaracion di e sospechoso M., kende for di inicio ta desmenti di a mishi cu A. y masturba. E abogado a bisa cu e declaracion di A. no ta confiabel y no por haya prueba di sosten. E

abogado a muestra cu A. ta bisa cu M. lo a mishi cu su pia y su parti intimo y lo a masturba riba e laken cu A. tabata tapa su curpa. A manda muestra di e laken cu e liquido pa Instituto Forence na Hulanda (NFI). El a muestra cu A. a manda potret di muha riba e deken. Su siguiente dia despues di e incidente, un agente di Instituto Forence a tuma muestra pa manda NFI. Investigacion di NFI ta conclui cu no tabatin sperma. Mr. Mohamed a bisa Hues cu esaki ta un resultado bon cla cu M. no a masturba riba e laken manera A. a bisa.

NO TIN PRUEBA

E prueba principal aki ta cay afor. Na opinion di mr. Mohamed, esaki ta haci cu e declaracion di A. no ta confiabel y mester declara M. liber. Ademá M. mes a declara cu e tabata drumi y ta ora Polis a bati na porta, el a spierta y habri porta. E abogado a remarca cu un agente di Polis a declara cu ora M. a habri porta, por a

mira cu M. lo tabata drumi y net a lanta for di soño. Sinembargo e agente ta haya straño cu M. tabatin un jeans bisti.

Abogado a muestra cu M. mes a declara cu el a lanta y bisti un jeans promer cu el a bay habri porta.

DAMA TA MANIPULA HENDE

Abogado Mr. Mohamed a muestra cu A. ta sufri di problema mental, schizofrinie, y ta bira emocional. A. tin miedo di M. E abogado a bisa Hues cu tabatin problema familiar na cas entre M. y e mama di A. Aki A. a menaza M. cu e lo percura cu M. ta bay cera. Notabel ta cu A. lo a bisa cu un aña anterior caba M. a abusa di dje.

Mr. Mohamed a remarca, pakico A. no a bisa esaki anterior ?! E abogado ta haya cu esaki no por wordo usa como prueba di sosten. E abogado a muestra cu constantemente A. tabata

bay na warda di Polis y hiba cos pa dos agente. Nan a hala su atencion pa stop. Polis ta considera e actitud aki di ta purba manipula e agentenan.

E abogado a sigui bisa cu tin un amigo di A. cu a bisa cu e conoce A. bon y cu A. ta manipula hende. Ta parce cu ora A. no haya su kier, e ta manipula hende. E abogado a muestra cu A. a hasta saca potret di e laken muha pa indica cu M. a masturba riba e laken.

Na opinion di abogado, esey ta muestra cu A. a manipula cu prueba y NFI a muestra cu no tin prueba. E abogado a conclui cu no

tin prueba cu M. a haci actonan immoral y mester declara M. liber. Pa loka ta e demanda di daño material, e abogado ta comparti punto di bista di Fiscal pa declara e demanda di daño no admisibel.

ACUSADO A BIRA VICTIMA

M. a bisa Hues cu en realidad e no mester a wordo deteni. Door di esey Warda Nos Costa despues di un tempo a sake for di Aruba y el a perde su trabao. M. ta haya cu en realidad ta el a bira victima Hues a bisa cu e ta bay studia e caso 9 April 2026 lo tin sentencia.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo



Awo cu 2 florin mas, bo por gana e **MEGA PLUS**

*Afl.

540.000,-

*Afl. 360.000,- + Afl. 180.000,-
extra

Benta ta sera 7:30 pm y sorteo ta hunga 7:45 pm



HUNGA AWO



E BERDAD A SALI NA CLA: STAATSSECRETARIS A CONFIRMA CU TA E ACTUAL GOBIERNO A DUNA "LUS BERDE" PA HOFA!

ORANJESTAD – Durante e bishita di Rey na Aruba, un combersacion cu Staatssecretaris di Hulanda a habri wowo di hopi hende. Contrario na e propaganda cu AVP y FUTURO ta plama, e mandatario Hulandes a confirma cu ta cu e "huidige regering" (gobierno actual) nan a yega na e compromiso pa manda e Rijkswet HOFA pa Raad van State.

E mentira di "Evelyn a firm'e" a cay na awa

Pa lunanan largo, Mike Eman y Gerlien Croes a purba sconde tras di e firma di 4 di juni 2024, bisando cu "Evelyn a firma". Pero e Staatssecretaris tabata hopi cla: maske tabatin combersacionnan cu e gobierno anterior, e instemming (aprobacion) pa e ley a bini di e coalicion di AVP y FUTURO.

Hulanda mes ta admiti cu e gobierno anterior

(MEP) tabatin un vision diferente y tabata den negociacion duro, pero cu e gobierno actual si a acepta e condicionnan aki a cambio di e fianza di "916 miyon" (60 miyon na interes).

Saco di placa vs. Autonomia

E Staatssecretaris a confirma cu e motibo principal pakico Hulanda kier e Rijkswet aki ta pa nan tin control riba e riesgo di e fiansanen. Pa Hulanda, esaki ta un negoshi di placa y interes. Pero pa Aruba, esaki ta nifica entrega e derecho di nos Parlamento pa dicidi riba nos propio presupuesto.

Punto Clave di e combersacion:

Hulanda a confirma: E decision pa sigui cu e Rijkswet a wordo tuma den Consejo di Minister di Reino cu aprobacion di e gobierno

actual di Aruba.

E "besparing" di 60 miyon cu nan ta priminti ta bini cu un prijs haltu: Hulanda lo tin e ultimo palabra riba indexering, salarionan y inversionnan den nos barionan.

E mascarda a cay. No por sigui culpa e pasado mas ora e propio Hulandesnan ta bisa cu ta e mandatarionan di awe ta esnan cu a bisa "SI" na e ley di HOFA. Pueblo mester dicidi awor: nos ta bende nos Status Aparte pa 60 miyon florin, of nos ta sigui goberna nos mes manera nos a haci pa 40 aña?

Ademas, nunca Hulanda a kwijtscheld debe di Aruba, manera nan a haci pa Curacao. E actitud di Hulanda contra Aruba pa duna strafrente ta parce mas bien descriminacion of odio contra Aruba. Dicon mester suta Aruba cu strafrente ?

Parlamentario Shailiny Tromp-Lee:

NOS STATUS APARTE TA E HERENCIA DI MAS SAGRADO CU NOS MESTER PROTEHA PA E FUTURO GENERACIONNAN

Riba e dia historico aki, 18 di maart 2026, caminda Aruba ta celebra 50 aña di su Himno y Bandera y ta drenta den e di 40 aña di su Status Aparte, mi ta haci un yamada pa union y determinacion pa defende e autonomia cu a costa tanto sacrificio pa logra.

Como Presidente di e Comision di Finansa,

Organizacion di Gobierno, Cultura y Deporte den Parlamento, mi kier enfatisa cu e celebracion di e aña aki tin un nificacion profundo. Nos Himno ta duna nos bos, nos Bandera ta duna nos cara den mundo. Awe nos ta recorda cu nos no ta djis un isla, nos ta un nacion cu a sa di asumi e mando di su propio destino.

Un legado bou di presion Reflehando riba nos historia mi mester enfatisa cu e lucha pa autonomia no a termina na 1986. E presionnan cu nos ta sinti awe riba nos Status Aparte ta recorda nos cu libertad mester wordo defendi tur dia. No ta basta pa djis recorda e historia, nos tin e deber di biba e balornan di integridad y vision cu a funda nos Status Aparte.

Finansa y Cultura: E motor di nos autonomia
Como parlamentario mi kier subraya awe cu un autonomia fuerte ta rekeri un fundeshi financiero solido y un identidad cultural bibo. Nos no a hereda e tera aki di nos antepasadonan, nos a fi'e di nos yiunan. P'esei, cada decision cu nos tuma den Parlamento awe mester ta dirigi riba e Aruba cu nos kier laga atras pa e siguiente generacion.

Un mensahe di gratitud
Mi ta finalisa deseando henter e pueblo di Aruba, tanto esnan akinan como



esnan den exterior, un feliz Dia Nacional, Dia di nos Himno y Bandera. Ban celebra cu orguyo, pero tambe cu e compromiso firme di keda uni. Ora nos ta uni como un solo pueblo, no tin presion externo cu por kibra nos boluntad di ta Baas di nos mesun cas.

Pabien Aruba!



NoticiadiCorte

MIENTRAS CU NO A HAYA NINGUN PRUEBA CASTIGO COMBINA EXIGI PA HOMBER SOSPECHA DI A HACI ACTONAN INMORAL CU YIU MUHER DI SU PAREHA

ORANJESTAD – Awe mainta Corte di Husticia a trata e caso penal cu Ministerio Publico a cuminsa contra e homber Colombiano M.(44), biba na Aruba. M. ta para riba cu e no a haci nada mientras cu Fiscal ta hay'e culpabel di actonan immoral cu e yiu muher di e pareha di M.

SOLO DI PUEBLO por a compronde cu aunke cu Instituto Forence no a haya prueba, Fiscal ta haya M. culpabel y a existi 180 dia di prison di cual 75 dia ta condicional cu 2 aña di prison. M. ta haya cu el a bira victima di un set up.

ACUSACION

E acusacion cu Fiscal a presenta contra M. ta cu riba 6 Februari 2025, el a haci actonan immoral (mishi na e dama hoben A. su pia y su parti intimo) y a masturba riba e laken di e dama hoben A.

Den sala di Corte tabata presente e mama di e victima, kende ta pareha di M., y e victima a presenta mas laat. Abogado mr. Dijkhof a representa e victima A. pa haci demanda di daño inmaterial.

ACUSADO TA BISA TA UN SET UP

Hues a bisa M. cu e ta wordo acusa di a haci actonan immoral cu e hoben A. M. a desmenti

esaki. Hues a bisa cu A. a bisa cu e tabata drumi riba un sofa y tapa cu laken. El a bisa cu M. lo a bay eynan y mishi cun'e y a masturba riba e laken. Segun M., nada ta berdad y cu A. a menace cu e lo bay percura pa M. perde su trabao. M. a bisa Hues cu e ta considera esaki un set up. Segun M., e dia ey e tabata drumi y ta ora cu Polis a bati na porta, el a lanta.

SOSPECHOSO TA NENGA

Hues a bisa cu e hoben A. a yama Polis y amigonan. El a haya ataque di panico. Segun M., A. ta sufri di problema psicologico, "schizophrenie". El a bisa cu den pasado A. a wordo viola. Door di e problema mental, A. lo ta kere cu M. lo bay abusa di dje. M. a bisa cu e dia ey e tabata na e cas hunto cu su yiu di 5 aña den camber y A. tabata drumi den sofa den sala. M. a bisa Hues cu normal cu ora e mama bay traha, A. ta sali y no ta keda den cas cu M. Sin embargo e dia ey A. a keda den e cas. M. ta conclui cu aki ta mira cu ta algo cu A. a planea. El a bisa cu e no sa si e ataque di panico tabata un set up of no. El a bisa cu A. sa haya e ataque di panico mas biaha. El a bisa cu e tabata drumi y ora el a tende hende bati na porta, el a bay habri e porta y tabata Polis.

M. a bisa Hues cu hopi

biaha A. ta acus'e di a abusa di dje y e pareha di M., e mama di A. ta desconfia den M. M. a bisa cu hopi biaha A. ta set up problema entre M. y A. su mama. A. ta yama Polis y ora Polis yega, A. ta bisa Polis cu M. kier a abusa di dje. Ora Polis interroga A., e ora ey e ta bisa cu M. no a haci nada.

NO A HAYA PRUEBA

Hues a bisa cu miembro di Instituto Forence, a manda muestra di e liquido cu a haya riba e laken pa Instituto Forence na Hulanda (NFI). Investigacion ta muestra cu no a haya sperma. Hues ta haya cu te asina leu, esaki ta confirma e declaracion di M. cu e no a masturba. Hues a muestra cu M. ta promer biaha cu e ta wordo persigui pa un caso asina pero tin un condena di maltrato di su pareha. Pa cu e situacion actual, M. a splica Hues cu el a muda cu e mama di A. na un otro cas y A. ta bibando den e cas cu su pareha actual.

VICTIMA A PAPIA

E victima A. a bisa Hues cu el a haya hopi miedo pasobra mira un sombra riba dje. El a sinti M. ta mishi cu su pianan y a masturba riba e laken cu A. tabata tapa su curpa cun'e. El a bisa cu el a haya panic attack na hospital y tabata

hopi spanta. Su siguiente dia e por a bay cas y a haci denuncia contra M.

DEMANDA DI DAÑO

Hues a bisa cu e demanda inmaterial ta 5 mil florin y no tin calculacion di otro daño.

FISCAL A EXIGI CASTIGO COMBINA

Fiscal a bisa Hues cu Polis a bay na un cas na Piedra Plat pa un dama cu lo a wordo abusa. Polis a haya e dama hoben A. tabata hopi emocional. Segun e relato di Polis, A. a bisa cu M. lo a mishi cu su parti intimo y lo tabata masturba banda di dje. Fiscal a bisa cu e mama di A. a haci denuncia y loke e mama a declara na Polis ta consistente cu e declaracion di A. Esey ta motibo cu Fiscal ta haya cu e declaracion di A. ta confiabel. Fiscal a sigui bisa cu Polis a haci investigacion biologico riba e laken cu A. tabata tapa su curpa. NFI no a haya sperma riba e laken. Na opinion di Fiscal, tin dos posibilidad. Tin e posibilidad cu loke A. ta bisa no ta berdad, of e posibilidad cu no ta asina cu M. a masturba.

Fiscal a bisa cu no a haya sperma pa definicion mester bisa cu e declaracion di A. no ta berdad. El a bisa cu mester busca otro prueba di

sosten. Fiscal a muestra cu un tempo cortico despues di e sucedido, A. a sufri un ataque di panico y tabata grita historico. Polista haya cu algo lo mester a pasa cu A. a actua asina. Polis ta conoci cu A. pa casonan anterior y ta promer biaha cu nan ta confronta un situacion asina. Fiscal a muestra tambe cu un amiga di A. a declara cu A. a yam'e pa hib'e hospital y el a constata cu A. tabata hopi emocional. Fiscal ta haya cu esakinan ta pruebanan di sosten. Fiscal ta haya M. culpabel di a mishi cu e hoben A. Fiscal ta considera esaki, actonan immoral caminda a tacha e integridad di A. El a bisa cu esaki por causa cu A. lo por keda afecta pa hopi tempo. Pa cu e castigo, Fiscal a bisa cu e ta tene cuenta cu e tempo cu M. tabata sera relaciona cu e caso. E tabata 105 dia sera. Fiscal a existi 180 dia di prison, di cual 75 dia ta condicional cu un tempo di prueba 2 aña.

Fiscal ta haya e demanda di daño inmaterial ta 5 mil florin y no por aproba e demanda. Na opinion di Fiscal, ta asina cu A. tabata patient di Respaldo y esey ta haci fastioso pa dicidi riba e demanda awor.

Hues, despues di a scucha defensa di abogado, a bisa cu e ta bay studia e caso y dia 9 April 2026 pa lo tin sentencia.

E BERDAD HISTORICO: SIN STATUS APARTE, E "MOTOR" DI HENNY EMAN NO LO A START MES!

Ta increibel con algun programa di TV ta purba cambia historia, adorando Henny Eman pa e economia di 1986 mientras nan ta lubida, of no KIER ni menciona e nomber di nos Libertador, Betico Croes.

Loke hopi hende mester compronde ta simple: Henny Eman

no a inventa e wiel, e simplemente a haya e auto cla pa core! Status Aparte tabata e motor, e gasolin, y e libertad cu a habri e caminda pa nos por a goberna nos mes.

Sin e lucha di Betico pa saca nos for di Antiyas, Henny lo NO tabatin ni un Parlamento, ni su propio presupuesto, ni e poder pa

tuma niun decision economico.

Manera Betico mes a bisa: 'Pa cada stap atras cu nos dal (1985- ciere di lago), nos lo dal dos stap dilanti den e Status Aparte.

E credito di e progreso EY no ta di un solo homber cu a sinta den e stoel di Premier, sino di e Libertad

cu a permiti nos tur tanta cabes.

No laga nan gaña bo: e oportunidad ey no a bini di AVP, e a bini di e lucha pa nos Status Aparte cu MEP a lidera!

Hopi ta considera cu moderador/ moderadora/ y invitadonan ta LOOSER!

E DIFERENCIA FUNDAMENTAL DI LIDERASGO AUTENTICO: EVELYN A RECONOCE E ROL DI EMAN, PERO MIKE NO A RECONOCE ROL DI BETICO

ORANJESTAD - Liderasgo ta ora bo por pone bo mes riba bo ego, y reconoce hasta bo oponente.

Esaki ta algo cu Mike Eman a faya barbaramente den e ultimo simannan y mas aun, riba nos dia di Himno y Bandera.

Y esaki a cai den masha mal tera serca masha hopi hende, especialmente nos bishitantenan di Curacao, Boneiro, Sint Maarten y Sint Eustatius.

Den su afan pa impone su "storia", ela falsifica "historia".
Pa tur hende na Aruba

ta obvio, cu si no tabata pa Betico Croes, awe nos no a celebra ni himno, ni bandera, ni Status Aparte.

Simplemente pasobra AVP y e politiconan di fam Eman durante historia a vota CONTRA nos himno, nos bandera y nos lucha pa Status Aparte.

Pero loke mas a resalta ta e falta di liderasgo den e lider di nos pais actual Mike Eman.

E no por ni menciona e nomber di Betico. Dicon? Su ego ta mucho grandi of su caracter ta mucho swak?

Cualquier cu ta e caso, lider di MEP Evelyn Wever-Croes a demonstra kiko ta liderasgo autentico.

E si a reconoce Henny Eman sr, Shon A Eman, Juancho Yrausquin cu a encamina e proceso pa busca e 2147 firmanan, y ela reconoce logicamente Betico Croes cu a logra nos himno, nos bandera y nos Status Aparte, y Nelson Oduber cu a logra scrap e fecha di independencia.

Danki Dios nos tin Evelyn Wever-Croes y nos por carga speranza cu pronto Aruba lo bolbe conoce liderasgo fuerte y autentico.





VACATURE

BIJ COLEGIO EPI
SCHOOLJAAR 25-26



Verbind en inspireer, stap in de rol die verschil maakt!

De Minister van Koninkrijksrelaties, Onderwijs, Jeugd, Innovatie en Sport, als bevoegd gezag van de Dienst Publieke Scholen, nodigt kandidaten uit om te solliciteren naar de functie van:

OLC Instructeur (1VB) OLC Medewerker (1VB)

Vind je het leuk om met studenten te werken? Houd je van informatieverstrekking aan jongeren? Ben je communicatief sterk en beschik je over technische vaardigheden? Dan zijn wij op zoek naar jou om ons team in het Open Leercentrum (OLC) van Colegio EPI te versterken!

De functies

- Als **OLC Instructeur** ben je verantwoordelijk voor het begeleiden en motiveren van studenten, en het ondersteunen van docenten en overige personeel op het gebied van technische- en ICT-toepassingen.
- Als **medewerker OLC** ben je het eerste aanspreekpunt (front office) voor studenten en overige personeel. Je beheert het digitale bookingsysteem, verwerkt aanvragen voor ruimtes. Je beantwoordt binnenkomende oproepen, verstrekt informatie en/of verbindt door naar de juiste afdeling of persoon. Je voert lichte ondersteunende administratieve taken uit.

Wie zoeken wij?

Vereisten:

- Afgeronde Mbo-4 met werk- en denkniveau;
- **Instructeur:** Brede technische kennis en vaardigheden van ICT en ICT-applicaties;
- **Medewerker:** Aantoonbare servicedesk ervaring;
- Goede kennis van Papiament, Nederlands, Engels en Spaans;
- Gedreven, proactief en een teamplayer;
- Affiniteit met leerlingen en studentgerichtheid (de student staat op de eerste plaats).

Jouw profiel:

- Een professionele houding en plichtsgetrouw;
- Klantgericht, flexibel en probleemoplossend;
- Toont initiatief en dynamiek;
- Leergierig en stressbestendig;
- Op de hoogte zijn van de laatste trends en ontwikkelingen op het gebied van ICT.

Wat bieden we jou?

Salariëring en secundaire arbeidsvoorwaarden conform de Bezoldigingsregeling Aruba, de Landsverordening Materieel Ambtenarenrecht en Landsverordening Vakantie en Vrijstelling van Dienst Ambtenaren.


Geïnteresseerd?

Stuur je sollicitatiebrief, voorzien van een CV en kopieën van diploma's, binnen 2 weken na het verschijnen van deze vacature naar: ✉ hr@epiaruba.com 📄 t.a.v. Het Bevoegd Gezag - Minister van Koninkrijksrelaties, Onderwijs, Jeugd, Innovatie en Sport, d.t.k.v. Managementteam Dienst Publieke Scholen, J.F.K. Education Center, Stadionweg 37.

Vragen?

Voor meer informatie kun je contact opnemen met de HR-afdeling van Colegio EPI:

☎ +(297)525 8726 / 746 ✉ hr@epiaruba.com



DIA 31 DI MAART TA ULTIMO DIA PA INSCRIBI MISS TEEN ARUBA INTERNATIONAL TA CLA PA SU TEMPORADA 2026



E academia di Belleza ta wardabo bin experiencia un evento unico y cu crecemento personal. GLW Foundation ta den pleno preparacion pa Miss Teen Aruba International 2026. E aña aki celebrando 17 aña di eleccion unda cu durante añanan Miss Teen Aruba International a sa di demostra cu e comision ta traha den e mihor formacion di e candidatanan y e logronan durante e ultimo 19 aña nan aki cu George Winterdaal como Presidente ta e prueba di e trabou bon haci

cu e candidatanan. Paisnan unda e candidatanan a bai representa Aruba ta na Rep. Dominicana, Panama, El Salvador, Bahamas, Guatemala, Costa Rica, Nicaragua, Honduras, Colombia, Bulgaria, Rusia, Puerto Rico y mas. Desde cu George a tuma e presidencia di Miss Teen Aruba y despues Miss Teen Aruba International a usa e lema "Algo mas cu un certamen di beyeza" y tur aña ta organiza diferente proyectonan. GLW Foundation ta haci e.o Cupcake di Speranza, Un man pa nos ruman, Feed

the Kids y tambe un sin fin di actividadnan caritativo cu e candidatanan. E commission organisador sigur ta prepara e candidata cu tur equipo necesario pa asina por yude den su desaroyo pa futuro. Hopi candidatanan di Miss Teen Aruba International despues a sigui participa den otro Plataformanan manera Reina Hispanoamericana, Miss International, Miss World y Miss Universe.

Bo tambe kier participa ? Wel ta masha facil?

E aña aki GLW Foundation a haci algun cambio masha interesante.

Bo tin e edad di 15 pa 19 aña? Bo tin gana di biba un experiencia unico? Bo kier representa Aruba na nivel international? Bo kier amplia bo conocimiento general y siña mucho mas di varios topico. Wel esaki ta bo oportunidad pa participa.

Gastonan ?

Hopi biaha e preocupacion di Mayornan ta e gastonan halto, esey tabata pasado. Mirando e situacion comishon organisador e aña aki lo cobra un suma masha atractivo cu lo cubri basicamente tur gasto di a candidata pa e eleccion official. Mayornan ta paga un solo package cu lo inclui e inscripcion di e candidata, trahe di baño



pa anochi final, Trahe di Baile di apertura, Trahe pa Entrevista cu Hurado, Sapato pa anochi final, Trahe di Gala (diferente diseño pa un diseñador local) pa anochi final, Tshirt Uniform pa e temporada, Trahe pa Instalacion, Sjerp, Seminario)

Si cualkier mayor ta desea mas informacion por yama libremente George Winterdaal na 561-6151. Final di Miss Teen Aruba International lo tuma lugar dia 19 July 2026 den Renaissance Convention Center.

GLW Foundation a prepara un agenda di actividadnan recreativo, social y educativo masha great mes cu hopi eventonan unda nan lo siña hopi pero tambe lo pasa dushi y disfruta di e temporada 2026.

Nos ta desea GLW Foundation tur clase di exito pa e temporada nobo di Miss Teen Aruba International.

Bo ta desea di representa Aruba na nivel international, no duda mas y yama of Whatsapp awe mes pa mas informacion na 561-6151.

Abo por ta e sucerora di Tara van der Werk cu ta nos actual Miss Teen Aruba International y tambe na nos actual Teen Nuestra Belleza International.

Miss Teen Aruba International ta mas cu un certamen di beyeza, nos commission ta enfoka riba duna seminarionan pa nos candidatanan ta mas confia den nan mes, eleva nan autoestima y yudanan crece den varios ambitonan den bida pa nan futuro.

HANDYMAN
General maintenance.
Roofing, welding shop,
painting. All in construction.
Maintenance garden.
Nos ta cla pa yudabo.
Yama awo: 742-7701

Seis año despues:

RECORDANDO CON COVID-19 A IMPACTA ARUBA

ORANJESTAD, Aruba – 13 maart 2026: Awe ta marca seis año desde cu COVID-19 a impacta Aruba pa prome biaha, un momento cu a cambia nos isla, nos manera di biba y nos sistema di salud profundamente.

Na maart 2020, Aruba manera hopi pais rond mundo, a enfrenta un situacion cu ningun persona tabata prepara p'e. Den cuestion di dianan, nos isla a pasa di un bida normal pa un realidad nobo: fronteranan a cera, skolnan a cera, eventonan social a para, y hopi famia a haya nan mes adaptando na un manera di biba cu distancia social, cuarentena, shelter in place y incertidumbre.

Pa hopi persona, e periodo aki a trece preocupacion, sacrificio y tristesa. Nos a perde 226 miembro di nos comunidad debi na complicacion relaciona cu COVID-19. Awe nos ta recorda nan cu respet y solidaridad y tur famia y persona cu a pasa door di e perdida aki of cu kisas ainda ta biba cu consecuencia di e virus di COVID-19.

Pero memei di e reto grandi, Aruba tambe a muestra algo poderoso: resiliencia, cooperacion y solidaridad.

Personal medico, enfermeronan, laboratorionan, personal di salud publico,



G o b e r n a n t e n a n , ministerionan, expertonan cu a duna apoyo y guia y hopi otro profesional a traha incansablemente pa proteha nos comunidad. E decisionnan dificil cu mester a wordo tuma durante e periodo aki a exige dedicacion, responsabilidad y colaboracion entre diferente institucion y sector di sociedad.

Negoshinan, scolnan, organisacionnan y ciudadano comun a adapta nan rutina pa contribui na e esfuersonan pa controla

contagio y proteha esnan mas vulnerabel.

Durante e periodo aki nos a siña hopi les importante:

- Importancia di un sistema di salud publico fuerte y importancia di preparacion pa emergencia
 - Balor di ciencia, investigacion y informacion confiabel
 - Forsa di solidaridad y union den comunidad
 - Y con lihe un situacion global por impacta un isla chikito manera Aruba
- COVID-19 a cambia hopi di nos custumbenan, pero

tambe a corda nos cu salud ta un responsabilidad comparti.

Seis año despues, e reflexion principal ta cu preparacion, colaboracion y confiansa den informacion confiabel ta esencial pa proteha bienestar di nos poblacion y pa salba bida. E experiencia aki ta recorda nos cu ora nos enfrenta reto inespera, Aruba tin e capacidad pa adapta, cuida otro y sigui avansa hunto. Directie Volksgezondheid ta invita comunidad pa tuma un momento awe pa reflexiona riba e

experiencia comparti den e pandemia, recorda esnan cu nos a perde, y mantene e compromiso di salud, solidaridad y preparacion pa den futuro.

Bo salud, nos prioridad. Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, of Follow nos den WhatsApp Channel, subi nos website www.dvg.aw, yama nos na 5224200 of mail nos na servicio@dvg.aw

MINISTER GEOFFREY WEVER: TA FELICITA SANTA ROSA, COMISION PRO CUNUKERONAN ARUBIANO Y TUR STAKEHOLDERS CU UN MERCADO EXITOSO Y TA INVITA PUEBLO PA BISHITA E PROXIMO MERCADO 21 MAART



Oranjestad - Minister di Finansa, Asunto Economico y Sector Primario, mr. Geoffrey Wever, ta felicita Santa Rosa cu a organisa e mercado, Comison Pro Cunukeronan Arubiano cu a uni kende ta un bos importante den sector primario, tur stakeholders y vendors pa un mercado exitoso, un bes mas.

Tambe, Minister Wever ta invita pueblo di Aruba pa bishita e siguiente mercado di Santa Rosa cu

lo tuma lugar diasabra awor, maart 21.

Desde 7 maart, e mercado di Santa Rosa ta sigui tuma lugar tur siman, manera a anuncia. Esaki a bin na vigor, despues di a combersa cu varios stakeholders importante den sector primario, na unda nan a indica e deseo y importancia pa tene e mercado cu mas frecuencia. Considerando e popularidad di e mercado, e bienestar di e sector y e

deseo di e stakeholdernan, Minister Wever a tuma stapnan dibiaha pa realisa e deseo aki den algo concreto y awor pueblo di Aruba por disfruta di e mercado di Santa Rosa tur siman.

E mercado di siman pasa, 14 maart tawata uno bon bishita y un exito. 26 bendedo a bini hunto y participa na e mercado, esaki ta demonstra e importancia di bini hunto como un sector y por wak



e exito di mercado como consecuencia positivo.

E sector primario ta importante, y ta un sector di enfoke pa e ministerio di Minister Wever. Na e mercado di Santa Rosa, pueblo por disfruta di cumpra varios producto fresco y local.

Participando den e mercado aki como un consumidor, bo persona ta aportando na e economia local di Aruba, y tambe e cunukero y agricultornan di nos isla. E mercado aki lo tuma lugar 3 siman na Santa Rosa y un siman na Plaza Lolita durante Pop-Up Market na San Nicolas.

Ta importante tambe pa comparti cu si bo persona kier participa cu bendemento di producto na e mercado di Santa Rosa, registra na tempo ya cu espacio ta limita.

Por registra cerca Santa Rosa via un email na info@santarosa.aw of por pasa personalmente na e oficina di Santa Rosa cu ta situa na Piedraplat 114-A. Tambe por tuma contacto via telefon na 585-8102

Minister mr. Geoffrey Wever ta felicita Santa Rosa pa e bon trabou di organisa e mercado, Comison Pro Cunukeronan Arubiano, stakeholders y tur esnan cu a participa, pa e trabou dedica cu nan ta eherciendo y pa e apoyo cu nan ta duna na e sector primario. E sector primario ta forma un parti integral di nos cultura y nos economia.

Nos ta invita pueblo henter pa bishita e Mercado di Santa Rosa diasabra awo, 21 maart y forma parti di crea un impacto positivo den nos economia y nos comunidad.





SOLODIPUEBLO@GMAIL.COM
CEL.585 9500



Parlamentario di AVP, Clifford Heyliger:

“NOS HISTORIA DI AUTONOMIA TA MUSTRA CU PROGRESO NACE FOR DI E VOZ DI PUEBLO”



ORANJESTAD (19 di maart 2026) - Durante e ceremonia protocolar riba Plaza 18 di Maart, den conmemoracion di e prome peticion pa autonomia di Aruba, Miembro di Parlamento pa AVP, Clifford Heyliger, a hiba palabra den representacion di e partido y durante esaki a enfatisa e importancia di e lucha historico pa autonomia como base di e desaroyo politico di Aruba awe.

Den su discurso, Heyliger a resalta cu Plaza 18 di Maart tin un significado profundo den historia nacional, siendo e lugar caminda e voz di pueblo Arubiano a manifesta su deseo pa mas participacion y autonomia. El a recorda e peticion historico di 1948, firma pa 2147 Arubiano, como un momento decisivo den e trayecto pa autodeterminacion. Segun Heyliger, e accion colectivo di e epoca

tabata nace for di un sinti di desbalans entre e contribucion economico di Aruba y su falta di influencia den decisionnan politico. El a explica cu, durante añanan cuarenta, Aruba a bira un centro petrolero di importancia internacional danki na actividad di e refineria, cu tabata di importancia vital durante Segundo Guerra Mundial, pero cu hopi decisionnan ainda tabata tuma centralmente, sin

refleha completamente e necesidadnan di pueblo Arubiano.

Heyliger a amplia cu e contexto historico aki a crea un consenshi colectivo den cual ciudadano comun—trahadornan, comerciante, maestro y famianan— a tuma iniciativa pa participa activamente den proceso politico. Den un periodo di solamente 100 dia, sin medio moderno di comunicacion, a organisa 42 reunion pa reuni firma y manda un mensahe cla: Aruba kier determina su propio destino.

“E peticion di 1948 tabata un expresion cla di un deseo pa reconocimiento, participacion y autonomia. Cada firma tabata representa un acto di compromiso civico y speranza pa un futuro miho,” Heyliger a indica.

El a destaca tambe e rol fundamental di Partido di Pueblo Arubano (AVP) den canalisa e aspiracion popular hacia accion politico concreto, convirtiendo e deseo di autonomia den un

proyecto serio y sosteni.

“E logro cu nos ta disfruta awe — nos posicion constitucional y nos identidad politico — no ta coincidencia, pero resultado di sacrificio, vision y perseverancia di generacionnan cu a bini prome di nos,” el a bisa.

Heyliger a enfatisa cu e historia di e peticion di 1948 ta un recordatorio pa lidernan actual cu nan tin e responsabilidad pa continua traha na beneficio di pueblo, manteniendo e interes general como prioridad.

Na nomber di AVP, el a expresa profundo gradicimiento na tur ciudadano y lider cu a contribui na e lucha pa autonomia, reconociendo cu e fundacion di Aruba moderno ta basa riba nan esfuerzo y dedicacion.

E parlamentario a conclui cu un yamada pa sigui honra e legado di pasado cu accion den presente, construyendo un Aruba fuerte, digno y prospero pa tur generacionnan cu lo bin.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Seguridad maximo pa Bishita Real

CUERPO POLICIAL ARUBA SATISFECHO CU POR A BRINDA SEGURIDAD PA S.M. REY WILLEM-ALEXANDER SIN NIUN INCIDENTE



Santa Cruz, ARUBA: Cuerpo Policial Aruba tabata den preparacion algun tempo caba pa yegada di S.M. REY

WILLEM-ALEXANDER. Tabata tin basta preparacion tanto interno, logistica, maneho, seguridad tambe introduccion di tecnologia avansa pa e cobertura di seguridad policial maximo pa S.M. REY WILLEM ALEXANDER.

Na momento cu S.M. REY WILLEM-ALEXANDER a toca suela di Pais Aruba, KPA tabata bon prepara y equipa cu visibilidad tur caminda pa e seguridad.

Ariba nos dia nacional di 18 maart, tur personal tanto agentenan policial y personal administrativo tabata riba pia for di oranan di mainta trempan te cu anochi laat.

Bou guia di un grupo special y profesional di polis dirigi pa Comisario Adrick Croes, tabata coordinando y vigilando e seguridad maximo tur momento pa S.M. REY WILLEM-ALEXANDER. Tanto practico, informacion y uzando tecnologia avansa e

grupo aki tabata tin un bista amplio di loke tabata pasando riba Aruba

y tambe tur paso cu tabata tuma lugar.

Riba tera, lama y den aire nos tabata tin diferente unidad cu tabata brinda e servicio di seguridad pa S.M. REY

WILLEM-ALEXANDER y pa nos comunidad. Un coordinacion estricto, pisa pero bon planea cu tur colega policial envolvi, nos por ta orguyoso cu desde momento S.M. WILLEM-ALEXANDER a toca suela di Aruba te na momento cu ela bandona Aruba no tabata tin niun incidente pa cu e seguridad nacional.

E esfuerso y profesionalismo di cada un colega a resalta y nos ta satisfecho pa bisa cu Cuerpo Policial Aruba por wak bek cu nos a brinda e maximo seguridad cu resultado exitoso! pa S.M. REY WILLEM-ALEXANDER, esaki no tabata posibel sin tur e personal di KPA.

Danki na nos comunidad pa e comprension tambe e bon cooperacion cu nos tur por a disfruta un 18 di maart 2026 sanamente!



Lider di Fraccion AVP – Jennifer Arends-Reyes:

“LAGA NOS HONRA NOS PASADO CU ACCION DEN PRESENTE Y TRAHA PA UN ARUBA FUERTE PA TUR”

ORANJESTAD – Durante e reunion publico solemne teni mainta den Parlamento di Aruba cu presencia di invitadonan internacional for di e otro islanan den Reino, Lider di Fraccion di AVP, Jennifer Arends-Reyes, a enfatisa e importancia di reflexion, unidad y responsabilidad riba ocasion di e dobel aniversario historico: 40 aña di Status Aparte y 50 aña di Himno y Bandera di Aruba.

Den su discurso, Arends-Reyes a destaca cu e momento aki no solamente ta uno pa mira atras cu orguyo, pero tambe pa enfoca riba futuro cu sentido di responsabilidad. “Status Aparte a confirma cu Aruba tabatin e madurez politico y determinacion pa traha su propio rumbo den Reino,” e la expresa.

E lider di fraccion AVP a uza e ocasion pa expresa su sincero gradicimento na tur estadistanan cu a contribui na desaroyo di Aruba, tanto den pasado como presente. E la reconoce nan sacrificio, liderazgo y compromiso, indicando cu nan trabou a forma e base riba cual Aruba ta para awe.

“Nan a construi brugnan, habri camindanan y a asumi responsabilidad pa beneficio di pueblo y pais. Como representante di pueblo, mi ta bisa: danki,”



Arends-Reyes a declara. Ademas, e la resalta e balor simbolico di e Himno y Bandera, cu a bira representacion di unidad, identidad y speransa pa pueblo di Aruba. Segun Arends-Reyes, e simbolonan nacional ta recorda nos cu, apesar di diferencia di opinion politico, amor pa Aruba ta uni nos tur.

Arends-Reyes tambe a enfatisa cu e miho manera pa honra e legado di pasado ta pa sigui cu gobernacion responsabel,

disciplina y decisionnan cu tin e bienestar di futuro generacionnan como prioridad. E la reconoce cu Aruba ta enfrenta diverso reto economico, social y ambiental, pero a muestra confiansa den capacidad di e pueblo pa logra progreso ora ta pone interes general prome.

Na su mensahe na comunidad, e la recalca cu e celebracion aki ta pertenece na tur ciudadano di Aruba, sin distincion politico. “E ta di cada hende cu ta contribui

na desaroyo di nos isla, di cada mayor cu a pasa balor y tradicion, y di cada hoben cu ta soña grandi,” e la bisa.

Finalmente, Arends-Reyes a haci un yamada pa fortalece democracia, proteha identidad nacional y sigui traha pa un Aruba cu ta ofrece oportunidad, siguridad y bienestar pa tur.

Cu un mensahe di fe y unidad, e la conclui: “Cu Dios bendiciona nos isla y tur su habitantenan. Biba 50 aña di nos Himno

y Bandera, biba 40 aña di Status Aparte, y cu profundo orguyo: Biba Aruba.”



SOPi DI LETRANAN

M	R	N	I	F	X	N	P	M	O	S	E	S	B	C	V	N	W	N	M	S	G	H	J
E	R	K	H	Z	M	B	E	F	O	R	E	R	R	S	H	U	M	O	D	T	R	S	P
M	E	E	J	Q	S	S	E	N	K	R	A	D	Q	X	G	R	S	E	L	D	T	E	S
O	W	K	C	O	N	F	E	S	S	E	D	M	L	R	S	O	I	E	L	X	H	L	I
C	O	A	G	O	F	J	E	A	M	O	N	G	Z	Y	B	R	W	S	B	I	G	F	C
E	P	P	Y	R	Y	W	C	O	M	E	T	H	W	V	C	D	T	B	T	W	I	M	B
B	B	S	M	R	E	A	I	T	M	N	C	O	Y	L	E	V	I	T	E	S	M	J	L
X	E	E	H	L	O	C	J	T	P	J	R	O	A	S	A	Y	I	N	G	E	J	E	O
U	G	L	G	I	V	L	E	O	H	L	G	Z	M	H	Z	K	D	S	P	E	U	S	O
H	I	Q	A	O	N	H	G	I	D	O	G	Y	O	P	Z	P	T	L	R	O	G	U	D
F	N	P	T	S	T	E	G	X	V	R	U	Q	R	T	R	W	N	U	E	K	C	S	K
T	N	S	D	U	K	T	T	D	V	E	G	T	Y	I	H	E	S	C	L	H	R	Z	V
E	I	W	R	Y	C	E	E	H	I	L	D	D	E	O	V	A	H	I	M	E	E	N	Y
R	N	T	L	K	C	O	D	N	T	K	M	S	S	I	L	D	G	E	H	W	U	B	T
E	G	M	O	O	Z	X	B	Q	A	I	T	E	G	E	J	H	K	T	N	R	Y	D	H
C	F	U	L	N	E	S	S	S	E	S	A	S	M	C	T	P	A	S	I	D	J	H	I
O	Y	M	R	N	W	R	E	T	F	A	Y	S	K	A	H	F	J	C	N	N	E	E	N
R	D	D	E	R	A	L	C	E	D	K	C	I	K	R	S	S	E	N	T	I	W	D	G
D	G	E	I	P	R	E	F	E	R	R	E	D	H	G	F	E	V	E	I	L	E	B	S
C	R	A	D	K	D	E	N	I	E	D	O	A	E	L	I	A	S	X	B	D	B	W	X

- AFTER
BEGINNING
BOSOM
CRIED
ELIAS
GLORY
LIGHT
PRIESTS
SHINETH
WITHOUT

AMONG
BEGOTTEN
CHRIST
DARKNESS
FATHER
GRACE
MIGHT
RECEIVED
SPAKE
WITNESS

ASKED
BEHELD
COMETH
DECLARED
FLESH
JERUSALEM
MOSES
RECORD
THINGS
WORLD

BECOME
BELIEVE
COMPREHENDED
DENIED
FULNESS
JESUS
POWER
SAITH
TRUTH

BEFORE
BLOOD
CONFESSED
DWELT
GIVEN
LEVITES
PREFERRED
SAYING
WHOSE

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		



Oracion di dia

UN FELIZ DIA Y CU DIOS BENDICIONA BOSO RICAMENTE

”P’esey obedece y sigui tur cos cu nan bisa, ma no haci manera nan ta haci si! Pasobra nan mes no ta haci loke nan ta bisa. Mateo 23,1

Rumannan e Palabra di Dios ta siña nos cu nos mester ta atento, hopi hende ta papia bunita pero nan bida ta musta e contrario. Nos mester purba sigui e bida di Hesus.

E no ta facil pero e recompensa ta Bida Eterno. Awo cu ta tempo di Cuaresma ban pidi Hesus laga nos cana hunto cu nE.

Si nos conoce su Palabra ban bibe. Ban cana cu Hesus, ora nos trompeca pidi’E lanta nos bek. Bunita ta cay y lanta bek y reconoce cu nos a comete un eror y pidi pordon. Sea humilde.

Oracion: Dushi Hesus nos kier ta humilde, cana den Bo pasonan. Guia nos y musta nos cua ta e obra cu Bo kier nos haci den e Cuaresma aki. Laga nos papia y ta un ehempel di Bo den obra y nos bida diario.



STATEN VAN ARUBA

DOORGANG OPENBARE BIJeenKOMST OP 19 MAART 2026 OM 14:00 UUR N.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Gedachtewisseling met 13 vakbonden inzake hun standpunt betreffende het conceptvoorstel van rijkswet tot het bereiken van houdbare overheidsfinanciën Aruba (Rijkswet houdbare overheidsfinanciën Aruba)

De Plv. Griffier,

mw. J.S. Briceño, MSc.

SVB A HABRI KIOSK DI SERVICIO NA MFA NOORD PA HACI SERVICIO MAS ACCESIBEL PA COMUNIDAD



Banco di Seguro Social (SVB) a inaugura oficialmente un kiosk di servicio nobo na edificio di MFA Noord, cu e meta pa haci e servicio di SVB mas accesibel pa ciudadano den e barionan. E apertura a tuma lugar den presencia di Prome Minister Mike Eman, Minister di Salubridad Publico Mervin Wyatt-Ras y Director di SVB Edwin Jacobs, como tambe empleadonan di SVB y publico presente.

Durante su palabra, director di SVB Edwin Jacobs a splica cu e instalacion di e kiosk ta forma parti di un iniciativa pa trece servicio di SVB mas cerca di comunidad. Den e ultimo periodo, SVB a instala kiosknan na diferente locacion, incluyendo San Nicolas, Vondellaan y Eagle.

Segun Jacobs, e kiosk na MFA Noord ta representa e prome paso pa amplia e servicio den e barionan. Ademá di e servicio digital cu ta disponibel tur

dia, tambe lo tin asistencia personal pa ciudadano cu tin pregunta of mester orientacion. Den MFA Noord, personal di SVB lo ta presente dos biaha pa siman pa brinda asistencia directo.

Prome Minister Mike Eman a felicita SVB cu e iniciativa aki y a resalta e importancia di mantene servicio social cerca di pueblo, especialmente pa pensionadonan y otro ciudadano cu regularmente tin contacto cu SVB.

“SVB ta un instituto sumamente importante pa Aruba, pasobra e ta cuida e pensioen di nos ciudadano y tambe atende preguntanan tocante di seguro social. No tur pregunta por wordo contesta solamente digitalmente; hopi biaha hende kier papia cu un persona pa haya mas claridad,” Prome Minister Eman a declara.

El a indica cu e colaboracion entre gobierno y SVB ta enfoca



riba fortalece e contacto personal cu comunidad. Pa e motibo ey, e kiosknan lo combina servicio digital cu presencia di personal di SVB pa atende preguntanan mas compleho.

Gobierno tin e intencion pa amplia e iniciativa aki den otro distrito tambe. Segun Prome Minister Eman, ta spera cu den futuro cercano por habri kiosknan similar na MFA Paradera, Santa Cruz y Savaneta, mirando cu e demanda pa servicio den barío ta grandi.

Cu e apertura di e kiosk na MFA Noord, SVB ta sigui traha pa modernisa su servicio mientras cu e ta mantene contacto directo cu comunidad, garantizando cu ciudadano por haya asistencia rapido y cerca di nan cas.




Nel Oduber: SI EVELYN WEVER-CROES NO A FIRMA CU HULANDA, NI ABO NI BO FAMIA POR A COME!

ORANJESTAD - Den un charla organisa na Cede di MEP diahuebs ultimo, riba e topico Status Aparte, lider honorario di MEP Nel Oduber a recorda tur esnan cu ta sconde tras di e pretexto "ta bo lider a firma", cu si Evelyn Wever-Croes no a firma cu Hulanda, Aruba lo no a haya entrada durante pandemia, y ningun hende lo a sobrebibi.

Ex Prome Minister Evelyn Wever-Croes a firma pa presta casi 916 milyon florin pa e pueblo por a come y pa subsidia salarionan di trahadonan di gobierno, trahadonan di comercio y trahadonan di hotelnan y restaurantnan.

Si e minister president di e tempo ey, Evelyn Wever-Croes, no a bai fia placa di Hulanda, ningun hende por a come y comercio lo no a haya placa pa por paga salario



na 38 mil trahado. Tampoco lo por a paga e subsidio Fase na trahadonan cu a perde trabou na restaurantnan y companianan grandi, mediano y chikito. Te awe tin companianan cu debe gobierno y no a paga bek e subsidio di salario cu a haya dimas.

"P'esey cada biaha cu un hende bisabo cu ta bo lider a firma, bisa nan cu el'a firma pa abo y bo famia por come" Nel Oduber a bisa.

"Wat op liefde gebouwd is, kent geen vergeten."

Cu inmenso tristeza y profundo dolor na nos curason, pero conforme cu boluntad di Dios nos ta participa fayecimento inesperadamente di:

MR. ORLANDO EDMUND LO-FO-SANG

Mihor conoci como: "Meneer Lo-Fo-Sang"

*10-09-1951 - †10-03-2026



Na nomber di su:

Esposa:

Catarina Lo-Fo-Sang-Zievinger

Yiunan:

Delano Kross, esposa y yiunan

Jaiden Lo-Fo-Sang, pareha y yiu

Garrick Loefstok y yiunan

Mayornan:

†Ilse Harriette Samson

†Paul Lo-Fo-Sang

Rumannan:

Annemarie Ilse Lo-Fo-Sang y famia

Ilsemarie Eleonora Lo-Fo-Sang y famia

Jacqueline Elisabeth Lo-Fo-Sang

Prima y primonan:

Maria Monsanto (na Hulanda)

Kenneth Samson y famia

Leo Samson y famia

Suegra y suegro:

†Reginalda y †Bonifacio Zievinger-Klepper

Cuña y swanan:

Miguel, esposa Vilma y yiunan

Angela (Maria) Zievinger

Reina, esposo Isidro y yiunan

Juanita, esposo Jovito y yiunan

Magdalena, esposo Wilfrano y yiunan

Pedro Zievinger

Francisco (Frans), esposo Mayra y yiu

Amigonan di cas:

Michael Bierfliet (na Suriname)

Buchi (Alberto) La Veist

Harold Rafini

Ex-coleganan di Emma School, Pieter Boer, J.F.K. School, y E.P.B. Hato

Demas famia: Lo-Fo-Sang, Zievinger, Samson, Kross, van der Maarel, Ng, Klepper, Henriquez, Boekhoudt, Quintero, Tromp, Guerra

Disculpa nos si den nos tristeza nos por a lubida riba un of otro famia.

Oportunidad pa condolencia lo tuma lugar diahuebs 19 di maart 2026 di 7:00 pa 9:00 pm na Aurora Funeral Home.

Ta invita pa e acto di despedida cu lo tuma lugar diabierna 20 di maart 2026 na misa Santa Filomena di 9:00 am pa 11:00 am, sigi pa e acto di entierro na Santana Pastor Kranwinkiel na Paradera.

Despues di entierro lo no bay ricibi bishita na cas.